

# LEVI YA DINO TSE TSWEKERE

## Ebe Levi ya Dino tse Tswekere ke eng?

Levi ya Dino tse Tswekere (SBL) ke levi e ntjha ya ho Phahamisa tsa Bophelo bo Botle e tshehetsang maikemisetso a Lefapha la Bophelo bo Botle a ho fokotsa lefu la tswekere, monono mmoho le mafu a mang a amanang le sena Afrika Borwa.

SBL e ile ya tsebiswa ke Letona la tsa Ditjhelete Tekanyetsong ya Naha ka Hlakola 2016 mme ke karolo ya [Rates and Monetary Amounts and Revenue Laws Amendment Act, 2017](#).

SBL e tla tsamaiswa le ho bokellwa ke SARS.

## E tla qala ho sebetsa neng?

SBL e tla qala ho sebetsa ho tloha ka la 1 Mmesa 2018.

A mang a matsatsi a bohlokwa le dintlhakgolo ke tsena:

Letsatsi	Ntlhakgolo
16 Tlhakubele 2018	Ho tla phethelwa ho ntshuwa ha dilaesense le ngodiso
Ho tloha ka Tlhakubele 2018	Dipontsho tsa tseleng le bahwebi le bakgathatema
26 Mphalane 2017	<a href="#">Draft Rule Amendment for the Rules for Chapter VB of the Act in respect of Health Promotion Levy Goods</a> e ile ya phatlalatswa ho fumana maikutlo
10 Pudungwana 2017	<a href="#">Draft rule amendment – Health promotion levy on sugary beverages</a> mmoho le <a href="#">Completion Notes for the sugary beverage Levy return</a> di ile tsa phatlalatswa ho fumana maikutlo
10 Pudungwana 2017	<a href="#">Form DA 179</a> (Kgutliso ya Levi ya ho Phahamiswa ha Bophelo bo Botle ya Dino tse Tswekere) le <a href="#">Form DA 185.4B2</a> (Tlelaente ya Phumantsho ya Laesense ya Mofuta wa 4B2 – Polokelo ya Tlhahiso) di ile tsa phatlalatswa ho fumana maikutlo

## Dipontsho tsena tsa tseleng di neng?

Diseshene ke tsa dihora tse pedi mme ho tla ba le phomasetso ya kofi/tee. Dintlha tse mabapi le sebaka di tla tsebiswa ha o tiisa ho ba teng ha hao.

Letsatsi	Seshene
1 Tlhakubele 2018	Johannesburg - <a href="#">Tobetsa mona ho beheletsa seshene</a>
2 Tlhakubele 2018	Pretoria - <a href="#">Tobetsa mona ho beheletsa seshene</a>
5 Tlhakubele 2018	Cape Town - <a href="#">Tobetsa mona ho beheletsa seshene</a>
6 Tlhakubele 2018	Port Elizabeth - <a href="#">Tobetsa mona ho beheletsa seshene</a>
7 Tlhakubele 2018	East London - <a href="#">Tobetsa mona ho beheletsa seshene</a>
8 Tlhakubele 2018	Durban - <a href="#">Tobetsa mona ho beheletsa seshene</a>

## Ebe SBL e tla sebetsa jwang?

SBL e tla sebetswa palo tjena:

- Sekgahla se tsepamisitswe ho disente tse 2.1 gramo ka nngwe ya tswekere e fetang digramo tse 4 tsa 100ml ka nngwe. Digramo tsa pele tse 4 tsa 100ml ka nngwe ha di lefiswe levi;

- SBL e tla leshwa hodima Dikgafa dife kapa dife tse ding tsa Bolaodi ba Thepa Meeding mme tse tswang kantle ho naha di keke tsa tsebahatswa dikgetjhaneng tse fapaneng ha di fihla;
- Ka dikahare tsa tsekwere re bolela tsekwere e seng e le teng mmoho le e ekeditsweng mmoho le eng kapa eng e nngwe e tsekwere;
- Dikahare tsa tsekwere di tla sebetswa palo hodima:
  - Dikahare tsa tsekwere tse netefaditsweng tekong a ananetsweng e tswang sebakeng sa teko se tjaetsweng monwana ke SANAS kapa ILAC;
  - Ebang tlaleho ya teko e jwalo e le siyo, ho tla etswa qeto ya hore dikahare tsa tsekwere ke digramo tse 20 ho ya ka 100ml ka nngwe.
- Bakeng sa diphoshwana le mekedikedi, dikahare tsa tsekwere di tla sebetswa palo hodima paloyohle ya mothamo wa seno se tlang ho ritelwa.

## Ke mang ya tlameha ho lefa SBL?

Dithoto tsohle tse qollotsweng Sejuleng ya Nomoro ya 1 Karolong ya 7, Karolo A tse hlalitsweng kapa tse tswang kantle ho Afrika Borwa di tla angwa ke tefo ya SBL, ka ho qolleha:

- Dihlahiswa tse hlailweng tse tswang kantle ho naha di tla lefiswa lekgetho nakong eo di hlekelwang ho ka sebediswa kwano lapeng mme
- Tse entsweng hae mona di tla lefiswa lekgetho mohloding.

Ka kopo hlokomela hore SBL ke lekgetho la mejo la lapeng mme ka hona ha le leshwe hodima dino tse tsekwere tse romellwang kantle ho naha kapa tse sebeditsweng ho hlalitsweng ha dithoto tse ding tse lefisiwang dikgafa.

## Ebe SBL e tla leshwa jwang?

Dikgutliso tsa SBL di ka nyehelwa le ho leshwa ka:

- [eFiling](#) kapa
- [Makaleng a tsa Bolaodi ba Thepa Meeding & tse kenang le tse tswang ka naha.](#)

Bahlahisi ba nang le dilaesense ba tlameha ho tsebahatsa le ho lefa SBL matsatsing a 30 ka mora ho fela ha nako ya dibuka tsa ditjhelete tsa kgwedi ho latela khalendara. Ditefo di tlameha ho etswa ho eso fete letsatsi la ho qetela la tshebetso la kgwedi pele ho 15:00 bakeng sa ditefo ka letsoho le pele ho 24:00 bakeng sa ditefo tsa elektronike.

**Keletso ya bohlokwa:** Ebang o so ka o ingodisetsa eFiling, ka kopo ingodisetse sena kapele ka moo ho kgonehang ka teng, [tobetsa mona ho ingodisa.](#)

## Ho tla etsahala eng ka mora mona?

SARS e tla ikopanya le bakgathatema bohle ho phatlalla le naha ka tsela ya dipontsho ho qala ka Hlakola 2018. Metjha ya ngodiso le ya ho fumanwa ha dilaesense e tla tsebiswa ka tsela ya dipontsho tsa tseleng, le ka puisano e tobileng leqepheng lena la websaete.

Ka kopo dula o behile leihlo leqepheng lena la websaete ho fumana matsatsi a dipontsho tsa tseleng, dithuto tsa dipontsho tsa tseleng, dipotso tse botswang kgafetsa (FAQs) mmoho le tse ding tse ngata.

## O hloka thuso?

Ebang o na le dipotso dife kapa dife, o ka:

- Romela dipotso tsa hao ho [SugarLevy@sars.gov.za](mailto:SugarLevy@sars.gov.za) kapa
- Letsetsa SARS Contact Centre ya rona ho 0800 00 7277 kapa
- Etela lekala la hao le haufi la [Bolaodi ba Thepa Meeding & ya tse kenang le tse tswang ka naha.](#)